## 0.0.1 kaccānagottasuttam

- 0. sāvatthiyam-
- 1. atha kho āyasmā kaccānagotto yena bhagavā tenupasaṅkami. upasaṅkamitvā bhagavantaṃ abhivādetvā ekamantaṃ nisīdi. ekamantaṃ nisinno kho āyasmā kaccānagotto bhagavantaṃ etadavoca: "sammādiṭṭhi sammādiṭṭhī"ti bhante vuccati, kittāvatā nu kho bhante sammādiṭṭhi hotīti?
- 2. dvayaṃ¹ nissito kho'yaṃ kaccāna loko yebhuyyena atthitañceva natthitañca. lokasamudayañca kho kaccāna yathābhūtaṃ sammappaññāya passato yā loke natthitā, sā na hoti. lokanirodhaṃ kho kaccāna yathābhūtaṃ sammappaññāya passato yā loke atthitā, sā na hoti. upāyupādānābhinivesavinibaddho² khvāyaṃ kaccāna loko yebhuyyena tañca upāyupādānaṃ cetaso adhiṭṭhānaṃ abhinivesānusayaṃ na upeti, na upādiyati, nādhiṭṭhāti 'attā me'ti. dukkhameva uppajjamānaṃ uppajjati, dukkhaṃ nirujjhamānaṃ nirujjhatī'ti na kaṅkhati. na vicikicchati. aparappaccayā ñāṇamevassa ettha hoti. ettāvatā³ kho kaccāna, sammādiṭṭhi hoti.

pts page 017

<sup>&</sup>lt;sup>1</sup>dvaya - machasam, syā.

²vinibandho - machasam, syā, sīmu.

<sup>&</sup>lt;sup>3</sup>ettāvatā nu kho - sī, 1, 2.

sabbamatthī'ti kho kaccāna, ayameko anto. sabbam natthī'ti ayam dutiyo anto. ete te kaccāna ubho ante anupagamma majjhena tathagato dhammam deseti. avijjāpaccayā sankhārā. sankhārapaccayā vinñānam. viññānapaccayā nāmarūpam. nāmarūpapaccavā salāvatanam salāvatanapaccavā phasso. phassapaccayā vedanā. vedanāpaccayā taņhā. taņhāpaccayā upādānam. upādānapaccayā bhavo. bhavapaccayā jāti. jātipaccayā jarāmaranam, sokaparidevadukkhadomanassūpāvāsā sambhavanti. evametassa kevalassa dukkhakkhandhassa samudayo hoti. avijjāvatveva asesavirāganirodhā sankhāranirodho. sankhāranirodhā viññānanirodho. viññānanirodhā nāmarūpanirodho. nāmarūpanirodhā salāyatananirodho. salāvatananirodhā phassanirodho. phassanirodhā vedanānirodho, vedanānirodhā tanhānirodho, tanhānirodhā upādānanirodho. upādānanirodhā bhavanirodho. bhavanirodhā jātinirodho. jātinirodhā jarāmaranam, sokaparidevadukkhadomanassūpāyāsā nirujjhanti. evametassa kevalassa dukkhakkhandhassa nirodho hotī'ti.